



INSURANCE AGENCY OF
BOSNIA AND HERZEGOVINA

Broj: 02-164-275-49/24
Sarajevo, 12-12-2024.

Na osnovu člana 70. Zakona o javnim nabavkama Bosne i Hercegovine ("Službeni glasnik BiH" 39/14, 59/22 i 50/24) direktorica Agencije za osiguranje u Bosni i Hercegovini donosi:

O D L U K U
O IZBORU NAJPOVOLJNIJEG PONUĐAČA

- (1) Prihvata se preporuka Komisije za javnu nabavku kompjuterske opreme iz Zapisnika o radu Komisije i pregledu i ocjeni ponuda nakon izvršenog otvaranja ponuda, broj: 02-16-04-275-47/24 od 12.12.2024. godine i Ugovor o kupoprodaji kompjuterske opreme za potrebe Agencije za osiguranje u Bosni i Hercegovini, dodjeljuje se ponuđaču „INTER-COM“ d.o.o. Zenica, za ponudenu cijenu od 11.470,00 KM bez PDV-a, umanjenu prema rezultatima e-Aukcije.
- (2) Izabrani ponuđač dužan je dostaviti dokaz o kvalifikovanosti u pogledu lične sposobnosti u roku od 5 (pet) dana od dana prijema Odluke o izboru najpovoljnijeg ponuđača, a prema tački 11. Konkurentskog zahtjeva za dostavljanje ponuda.
- (3) U slučaju da izabrani ponuđač propusti dostaviti dokaze o kvalifikovanosti u navedenom roku ili dostavi neprihvatljiv dokaz, ovaj organ će u skladu sa članom 72. stav (3) Zakona o javnim nabavkama Bosne i Hercegovine izabrati slijedeću prihvatljivu ponudu.

Obrazloženje

Javna nabavka kompjuterske opreme za potrebe Agencije za osiguranje u Bosni i Hercegovini (u daljnjem tekstu: Agencija) provedena je putem konkurentskog zahtjeva za dostavljanje ponuda. Procijenjena vrijednost javne nabavke iznosi 11.880,34 KM bez uračunatog PDV-a. Obavještenje o nabavci broj: 13-7-1-11-3-1/24 je objavljeno na Portalu javnih nabavki dana 18.11.2024. godine

Do termina zakazanog za predaju ponuda za nabavku kompjuterske opreme za potrebe Agencije, tendersku dokumentaciju preuzela su ukupno 23 ponuđača, dok je ponude za predmetni postupak dostavilo šest ponuđača.

Komisija je dana 02.12.2024. godine u 11:00 sati izvršila javno otvaranje ponuda prema vremenu prijema, te je konstatovala da je u ostavljenom roku, blagovremeno pristiglo šest ponuda na protokol Agencije.

Na javnom otvaranju ponuda došao je predstavnik ponuđača "R&S".

Naziv i sjedište ponuđača prema redosljedu primanja ponuda:

R.br.	Broj protokola	Naziv/ime ponuđača	Datum i sat prijema ponude
1.	02-16-4-275-22/24	Inter-com d.o.o. Zenica	28.11.2024. god. u 10:30 h
2.	02-16-4-275-23/24	Merolla d.o.o. Doboj	29.11.2024. god. u 14:45 h
3.	02-16-4-275-24/24	Digitarija d.o.o. Sarajevo	02.12.2024. god. u 08:30 h
4.	02-16-4-275-25/24	R&S d.o.o. Sarajevo	02.12.2024. god. u 08:50 h
5.	02-16-4-275-26/24	STAR CO d.o.o. Sarajevo	02.12.2024. god. u 09:05 h
6.	02-16-4-275-27/24	ELUR d.o.o. Kiseljak	02.12.2024. god. u 09:45 h

Nakon provedenog otvaranja ponuda Komisije za javnu nabavku kompjuterske opreme je u smislu člana 63. st. (5) i (6) Zakona o javnim nabavkama (u daljnjem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima, zatim pristupila stručnoj ocjeni zaprimljenih ponuda te konstatovala slijedeće:

R.br.	Naziv ponuđača	Ponuđena cijena u KM (bez PDV-a)
1.	Inter-com d.o.o. Zenica	11.800,00
2.	Merolla d.o.o. Doboj	11.845,00
3.	Digitarija d.o.o. Sarajevo	11.586,00
4.	R&S d.o.o. Sarajevo	11.861,41
5.	STAR CO d.o.o. Sarajevo	11.880,36
6.	ELUR d.o.o. Kiseljak	11.873,00

Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je izvršila pregled ponude i analizu dokumentacije priložene uz ponude u smislu provjere njene validnosti s obzirom na iskazane zahtjeve Agencije u tenderskoj dokumentaciji.

Podaci o ispravkama:

Komisija je dana 02.12.2024. godine pri pregledu i ocjeni ponuda nakon izvršenog otvaranja ponuda konstatovala da u ponudi ponuđača STAR CO d.o.o. Sarajevo, br. P-13-24 na stranici 9. Aneks II, tačka 3., kao i na stranici 11. navedene ponude, Aneks II, Obrazac za cijenu ponude – robe, postoji računaska greška u ukupnom zbiru ponude, tako da umjesto ponuđene ukupne cijene od 11.880,36 KM bez PDV-a treba da stoji ukupna cijena od 11.880,33 KM bez PDV-a, nakon ispravke iste. Takođe, nakon korekcije ponude, na stranici 9. ponude, ukupna cijena sa PDV-om bi trebalo da iznosi 13.900,00 KM.

S tim u vezi, Komisija je elektronskim putem dana 03.12.2024. godine zamolila ponuđača STAR CO d.o.o. Sarajevo da se što prije izjasni da li iznos koji je Komisija utvrdila računskom provjerom ponude predstavlja računsku grešku i da li istu potvrđuje dodatnim pismenom izjašnjenjem, ili ostaje pri prvobitnom iznosu.

Ponuđač STAR CO d.o.o. Sarajevo je elektronskim putem dostavio skeniranu potpisanu i ovjerenu Potvrdu, br. P-28-24 od 03.12.2024. godine, kojim direktor firme STAR CO d.o.o. Sarajevo potvrđuje da se prilikom unosa cijene u njihovu ponudu u postupku Nabavka robe -Kompjuterska oprema, broj postupka 13-7-1-11/24, desila računaska greška, te da prihvata mišljenje Komisije Agencije, tako da treba da stoji ukupna cijena od 11.880,33 KM bez PDV-a, a ukupna cijena sa PDV-om iznosi 13.900,00 KM.

Podaci o pojašnjenju ponuda:

Komisija je prilikom ocjena ponuda od ponuđača Digitarija d.o.o. Sarajevo i Inter-Com d.o.o. Zenica dana 04.12.2024. godine konstatovala da u njihovim tehničkim specifikacijama nedostaje opis da ponuđeni laptop ima torbu, bežični miš, kao i pojašnjenje da li je tastatura/tipkovnica: tastatura sa BiH standardom. S tim u vezi, Predsjedavajuća Komisije je od navedenih ponuđača dana 04.12.2024. godine elektronskim putem tražila pojašnjenje da li uz laptop dolaze torba i bežični miš, kao i pojašnjenje da li laptop ima tastaturu sa BiH standardom. Ponuđači Digitarija d.o.o. Sarajevo i Inter-Com d.o.o. Zenica su dana 04.12.2024. godine elektronskim putem dostavili izjave da uz laptop koji su ponudili dolaze torba i bežični miš, te da laptop ima tastaturu sa BiH standardom.

Podaci o odbačenim ponudama:

Komisija je prilikom ocjena ponuda konstatovala da je u ponudi ponuđača Merolla d.o.o. Doboj, dio tehničke specifikacije kompjuterske opreme na engleskom jeziku, što je u suprotnosti sa tačkom 19. Tenderske dokumentacije za nabavku robe: kompjuterska oprema, br. 02-16-04-275-14/24 od 18.11.2024. godine, gdje stoji:

„19. Jezik i pismo ponude

Ponuda se dostavlja na jednom od službenih jezika u Bosni i Hercegovini, na latiničnom ili ćirilničnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini. Katalozi, brošure i štampana literatura, uz ponudu se mogu priložiti bez prevoda.“

Osim navedenog, u ponudi ponuđača Merolla d.o.o. Doboj za kompjuter, tip I, ponuđen je kompjuter gdje je u tehničkoj specifikaciji navedeno da kompjuter ima Intel Core i5, a u Tenderskoj dokumentaciji je u Tehničkoj specifikaciji navedeno da kompjuter, tip I, treba da ima “CPU: minimalno Inter Core i7”.

S tim u vezi, a u skladu sa članom 68. stav (4) tačka i) Komisija je odbacila ponudu ponuđača Merolla d.o.o. Doboj, jer ponuda nije potpuna i ne ispunjava zahtjeve iz tenderske dokumentacije.

Komisija je prilikom ocjena ponuda konstatovala da je u ponudi ponuđača R&S d.o.o. Sarajevo, tehnička specifikacija za laptop i za monitor data je na engleskom jeziku, što je u

suprotnosti sa tačkom 19. Tenderske dokumentacije za nabavku robe: kompjuterska oprema, br. 02-16-04-275-14/24 od 18.11.2024. godine.

S tim u vezi, a u skladu sa članom 68. stav (4) tačka i) Komisija je odbacila ponudu ponuđača R&S d.o.o. Sarajevo, jer ponuda nije potpuna i ne ispunjava zahtjeve iz tenderske dokumentacije.

Komisija je prilikom ocjena ponuda konstatovala da u ponudi ponuđača ELUR d.o.o. Kiseljak nedostaje tehnička specifikacija ponuđene robe, koja je tražena u tenderskoj dokumentaciji pod tačkom 12. 1). U skladu sa članom 68. stav (4) tačka i) ZJN, Komisija je odbacila ponudu ponuđača ELUR d.o.o. Kiseljak, jer ponuda nije potpuna i ne ispunjava zahtjeve iz tenderske dokumentacije.

Komisija je nakon pregleda ponuda utvrdila rang listu prihvatljivih ponuda – ponuđača koji ispunjavaju sve uslove tražene tenderskom dokumentacijom i to:

1. Inter-Com d.o.o. Zenica, sa ukupnom cijenom ponude 11.800,00 KM bez PDV-a;
2. Digitarija d.o.o. Sarajevo, sa ukupnom cijenom ponude 11.586,00 bez PDV-a i
3. STAR CO d.o.o. Sarajevo, sa ukupnom cijenom ponude 11.880,33 KM bez PDV-a.

U skladu sa tenderskom dokumentacijom u postupku nabavke kompjuterske opreme – računara, kao i u skladu sa odredbama Pravilnika o uslovima i načinu korištenja e-Aukcije (“Službeni glasnik BiH, broj: 80/23) (u daljnjem tekstu: Pravilnik) provedena je e-aukcija. E-aukcija je zakazana za 06.12.2024. godine sa početkom u 14,30 sati u trajanju od 10 minuta u skladu sa odredbama Pravilnika o uslovima i načinu korištenja e-Aukcije („Službeni glasnik BiH“, broj 80/23) (u daljnjem tekstu: Pravilnik).

Nakon perioda od 10 minuta predviđenog za period trajanja e-Aukcije, kontakt-osoba Agencije je u 14,40 sati zaprimila e-mail sa portala javnih nabavki sa sadržajem: „U postupku 13-7-1-11/24, Nabavka kompjuterske opreme, uspješno je završena e-Aukcija.” Međutim, dana 06.12.2024. godine kontakt-osoba Agencije je zaprimila e-mail ponuđača STAR CO d.o.o. Sarajevo, kojim nas isti informiše da u toku vremena predviđenog za e-Aukciju na portalu javnih nabavki nije radilo dugme za postavljanje nove cijene u ponudi, te su u prilogu dostavili i video koji potvrđuje navedeno. Takođe, kontakt osoba Agencije je potom dana 06.12.2024. godine telefonskim putem kontaktirala i druga dva ponuđača. Ponuđač Inter-Com d.o.o. Zenica je tom prilikom informisao kontakt-osobu Agencije da tokom cijelog perioda predviđenog za e-Aukciju nisu mogli spustiti cijenu i poslali su putem vibera i video koji potvrđuje te navode. Ponuđač Inter-Com d.o.o. Zenica je dana 09.12.2024. godine Agenciji dostavio i e-mail sa informacijom o problemima koje su imali tokom trajanja e-aukcije. Ponuđač Digitarija d.o.o. Sarajevo je telefonskim putem informisao kontakt osobu Agencije da oni nisu ni pokušavali da spuste cijenu za vrijeme trajanja e-Aukcije.

Članom 9. stav (1) Pravilnika propisano je da Agencija za javne nabavke Bosne i Hercegovine ponovno zakazuje e-Aukciju u slučaju problema koji se dese isključivo u okruženju za koje je ona odgovorna, a usljed kojih dođe do nemogućnosti početka zakazane e-Aukcije, prekida e-Aukcije u toku, neisporučivanja systemske notifikacije o zakazivanju e-Aukcije ili drugih tehničkih problema koji utiču na ispravan tok i završetak e-Aukcije. U istom članu 9. stav (2) Pravilnika propisano je da kada je potrebno ponovo zakazati e-Aukciju usljed okolnosti iz stava (1) ovog člana, a o kojima Agencija za javne nabavke Bosne i

Hercegovine nema saznanja, korisnik sistema je dužan dostaviti zahtjev Agenciji za javne nabavke Bosne i Hercegovine putem sistema e-Nabavke.

Kako je u toku e-Aukcije koju je zakazala Agencija došlo do navedenih tehničkih problema koji su uticali na ispravan tok i završetak e-Aukcije, Agencija je dana 09.12.2024. godine dostavila zahtjev Agenciji za javne nabavke Bosne i Hercegovine sa e-mailovima ponuđača kao dokazima, kojim se traži da se ponovo zakaže e-Aukcija putem sistema e-Nabavke. Dana 09.12.2024. godine putem sistema e-Nabavke, Agencija za javne nabavke Bosne i Hercegovine je zbog tehničkih problema koji su se desili na infrastrukturi za koje je odgovorna Agencija za javne nabavke u Bosni i Hercegovini poništila e-Aukciju koja je završena dana 06.12.2024. godine u 14,40, te odobrila zahtjev za ponovnim zakazivanjem e-Aukcije. U skladu sa članom 9. stav (1) Pravilnika, Agencija za javne nabavke Bosne i Hercegovine je obavijestila Agenciju da je ista ponovo zakazala termin održavanja e-Aukcije za 11.12.2024. 12:45.

Prema Izvještaju o toku i završetku e-Aukcije od 11.12.2024. godine, Komisija je sačinila konačnu rang listu ponuđača koji su učestvovali u postupku e-Aukcije za predmetni postupak nabavke, kako slijedi:

R.br.	Naziv ponuđača	Vrijednost ponude u KM (bez PDV-a)	Rang
1.	Inter-Com d.o.o. Zenica	11.470,00	1
2.	Digitarija d.o.o. Sarajevo	11.499,00	2
3.	„ STAR CO d.o.o. Sarajevo	11.880,33	3

Nakon provedenog postupka e-Aukcije, shodno Izvještaju o toku i završetku e-Aukcije od 11.12.2024. godine, Komisija je utvrdila da je za predmetni postupak nabavke bilo snižavanja cijene ponuda kao kriterija za dodjelu ugovora, u skladu sa članom 10. Pravilnika. Takođe, nakon provedenog postupka ocjenjivanja dostavljenih ponuda, te nakon provedenog postupka e-Aukcije, a cijeneći sve naprijed navedeno, Komisija je utvrdila da je ponuda ponuđača „Inter-Com” d.o.o. Zenica ocijenjena kao najpovoljnija ponuda, prema kriteriju najniža cijena u skladu sa tačkom 18. tenderske dokumentacije, da ista ne premašuje procijenjenu vrijednost nabavke iz člana 2. Odluke o pokretanju postupka javne nabavke kompjuterske opreme, zbog čega je dala *preporuku* da se u skladu sa članom 64. stav (1) tačka b) ZJN, putem Konkurentskog zahtjeva za dostavljanje ponuda za javnu nabavku kompjuterske opreme za potrebe Agencije, ugovor dodijeli ponuđaču „Inter-Com” d.o.o. Zenica, Ponuda broj 919-L/24 od 26.11.2024. godine za ponuđenu cijenu od 11.470,00 KM KM bez uračunatog PDV-a, koja je umanjena prema rezultatima e-Aukcije.

Ugovorni organ je prihvatio prijedlog Komisije i donio odluku o dodjeli ugovora kojom je ugovor o javnoj nabavci dodjeljen ponuđaču „Inter-Com” d.o.o. Zenica, Ponuda, br: 919-L/24 od 26.11.2024. godine.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi putem ugovornog organa najkasnije u roku od pet dana od dana prijema ove odluke.

Prilog:

- Fotokopija Zapisnika o radu Komisije i pregledu i ocjeni ponuda nakon izvršenog otvaranja ponuda, broj: 02-16-04-275-47/24 od 12.12.2024. godine;
- Izvještaj o toku i završetku e-Aukcije od 06.12.2024. godine i
- Izvještaj o toku i završetku e-Aukcije od 11.12.2024. godine.

Dostaviti:

- „Inter-Com“ d.o.o. Zenica;
- Digitarija d.o.o. Sarajevo;
- STAR CO d.o.o. Sarajevo;
- a/a.

